



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

36. Ego sum Via, Veritas & Vita.

urn:nbn:de:hbz:466:1-12221

SYMBOLUM 34.

Tria præmia Christum diligentis

Pater diligit eum, & ad eum veniemus, & mansionem apud eum faciemus. Ioan. 14.

Quisquis amore mei feruentius ardet, amorem
Huic Pater æternus reddet amore mei.
Illiis in gremio sedem figemus, & ædem,
Pneuma sacrum, Natus, concomitansquè Pater.
Hospitio Triadem si mens exceperit hospes;
Sospes es, in terris aula vocanda Dei.

SYMBOLUM 35.

Si in tertia vigilia venerit. Luc. 12.

Admonet in vigili Christus statione manendum,
Adfore nocturni furis ad instar, ait.
Tertia quæ surgit bis senâ noctis ab horâ,
Præ reliquis merito commemoranda fuit.
Hac horâ ad Triadem forsan sistêris, erisquè⁺
Dum minimè reris, Judicis ante fores.
Tres vigilæ sunt tres hominis ætates, puta pueritia, Juventus, senectus.

SYMBOLUM 36.

Ego sum Via, Veritas, & Vita. Ioan. 14. apud S. Aug.

(a) **S**um via quâ vobis sit eundum, quave, præibo,
Expers erroris, qui comes ibit, erit.

O

Ductor

Ductor ego & Doctor, vestigia nostra sequentem
Ad vitæ & veræ duco salutis iter.

Doctrinâ, exemplis, omnes virtute præivi,
Sum via sola, viæ terminus, (a) ipsa Trias.

(a) Nemo venit ad Patrem nisi per me. Joan. 14. (b) Hæc est autem vita eterna, ut te Pa-
trem, & quem misisti Iesum Christum, cognoscant solum verum Deum. Consequenter e-
num & Spiritus S. intelligitur, quia Spiritus est Patris & Filij tamquam charitas substan-
tialis & consubstantialis amborum. Ven. Beda Joan. 17.

SYMBOLUM 37.

Christus tres nominatim mortuos suscitavit.

Christe salus hominum, cui subsunt omnia, morem
(a) Imperio cuius mors, phlegetonquè gerit.
(b) Filia Jairi surgit, (c) Naimitidis hæres
Unicus, & (d) prodis Lazare chare foras.
Mille Deus dirâ vivos a morte reduxit,

In Triadis laudem (e) tres memorare placet.

(a) Christo tam facile fuit a morte, quam a somno excitare & ideo dicit de Lazaro: ami-
cus noster dormit. (b) Matth. 9. (c) Luc. 7. (d) Joan. 11 (e) Per tres mortuos, intelligi
Beda, tres mortes animæ.

SYMBOLUM 38.

Christus ter lacrymatus est.

HAud risisse lego sub carnis imagine Christum,
Fudisse at lacrymas, ter memorare queam.
(a) Excidium flevit Solymæ, (b) tua Lazare quondam
Aspersit lacrymis tristia busta suis.

Sed